

एफिससला वोतुप तेपा कितुपतिवाला पावलकी टिवु यिकी दी थेपकी कोर्ला

दी यिकी ति एफिसस ग्येसाकी तेपा कितुपतिवाला पावलकी टिवु यिन। तेरी सिनाड गोमाला कोन्छयोककी च्यु ति तिवाला हाक्को ज्यितुप ति पावलला पप क्यानोक। ती च्यु ति कोन्छयोककी ख्रीष्टला चोछयेवु जो नाङ्नी खोकी ज्येवु च्यालक याङ्ना देवाच्येन ताड जम्बुलिङकी तेरी च्यालकतिवा खोकी ओङ्ला ज्याड नाङ्सुड सिस्स यिन (१:१०)। दी यिकी ति कोन्छयोककी गिपातिवाला पावलकी गोङ्बा शुवु यिकी साङ यिन। तमा मीतिवाला ख्रीष्टकी मिङला सेम च्यिक राड च्युङ्नी चोछयेवु कोन्छयोककी च्यु तिला तेन्दोक वोतुप जोपला टिवु यिन।

दी यिकीकी थल्माला मीतिवाला सेम च्यिक राड च्युङ्गुपकी कोर्ला सिक्क्या वे। तमा पपा कोन्छयोककी खोरे गिपाला पेनी तिवाला खोरे सेवु येशू ख्रीष्ट नेसुर माफ नाङ्नी तिवाला दिक्पा ने थर च्यिनी कोन्छयोककी चोछयेवु थाक्छयेतुप ति खोकी थु चाङ्मा नेसुर तेन्तेन क्या नाङ्सुड। ड्यिवाला ति पावलकी दी यिकी रोकुपतिवा चुक क्यानी मिजी क्योड गोकिवी सिस्स कोर्ला गोङ्बा शुनी टिनी वे। तमा ख्रीष्टला तेपा कितुपतिवा च्यिक राड च्युङ्नी मिजी टेङ्बु क्योङ्शी सिनी टिनी वे।

कोन्छयोककी गिपातिवा च्यिक राड च्युङ्गुप कोर्ला दुका पेतिवा साङ सिक्क्या वे। चर्च ति जु यिन, तीकी गो ति ख्रीष्ट यिन। ती चर्च ति खाङ्बा दोके यिन, ती खाङ्बाकी सरकी दो ति ख्रीष्ट यिन। चर्च ति नमा दोके यिन, तीकी माक्पा ति ख्रीष्ट यिन। दी यिकीला दुका खक्छयेवु येन्देनतिवा साङ बिन वे। तिवा ति जिन्बा, दिक्पा पङ्गुप, कटिन, चाङ्मा ताड ख्रीष्टकी ड्यिङ्ज्येकी वोसिर यिन।

मुला राड वोतुप लोप्च्येनतिवा

पावलकी डोशी १:१-२

ख्रीष्ट ताड चर्च १:३-३:२१

ख्रीष्टला वोतुप मिजी सम्बा ४:१-६:२०

यिकी टिनी सिन्दा क्यावु ६:२१-२४

पावलकी टसी देलेक

1 टसी देलेक! दी यिकी ति कोन्छयोककी नोवा नेसुर ख्रीष्ट येशूकी लोमा छये च्युङ्गुप ड पावलकी छयोक नेसुर येशू ख्रीष्टला तेपा क्यानी खोइतेर्म वोतुप एफिससकी मीतिवाला टिवु यिनो।

2 दाक्पी पपा कोन्छयोक ताड चोवो येशू ख्रीष्ट नेमा ख्यिराडला कटिन ताड लोदिमु वुङ्शी।

ख्रीष्टकी नङ्गुप मोलाम

3 दाक्पी चोवो येशू ख्रीष्टकी पपा कोन्छयोकला सोवा वुङ्शी, च्यिलासिसिन खोकी येशू ख्रीष्ट नेसुर देवाच्येनला वोतुप तेरी मोलाम ति दाक्पुला नङ्नी वे।

4 ती मोलाम ति खोकी थोइदाडला दाक्पु चाइमा ताड क्येन मेतुप च्युङ्शी सिनी जम्बुलिङ ज्येङ्गुप सिनाड गोमाला के खोकी दाक्पुला पेन नङ्गुप यिन।

5 कोन्छयोककी दाक्पुला इयिङ्ज्ये क्या नङ्गुप तप्की येशू ख्रीष्ट नेमा दाक्पुला खोरे पुज्युड जोपला गोमाला के पेन नङ्सुड। ती ति खोकी गा लङ्गुप नोवा यिन।

6 तुक क्यानी खोकी इयिङ्ज्येवु सेवु नेसुर दाक्पुला तुक राड नङ्गुप खोकी मोवा वोतुप कटिनकी थोक्ला सोवा देकुप।

7 तमा खोकी ग्यक्चेकी कटिन नेसुर येशू ख्रीष्ट दाक्पी दिक्पी थोक्ला टुङ्नी खोकी ठककी दाक्पी दिक्पा ता च्यिनी दाक्पुला थर्वा इयेन वे।

8 खोकी ती कटिन ति हाक्कोशी नोनी तेरी च्यु ताड रिक्पा ति दाक्पुला नाङ्सुड।

9 खोकी येशू ख्रीष्ट नेसुर गोमाला के जो नङ्गुप खोला गा लङ्गुप नोवाला वोतुप छयाककी ताम्डे ति दाक्पुला तेरी हाक्को च्यिसुड।

10 कोन्छयोककी नोवा ति काड यिन सिसिन तुजे छेसिमा देवाच्येन ताड जम्बुलिङला वोतुप तेरी ख्रीष्टकी मुला खोकी ओडला च्युङ्शी।

11 खोकी तेरी लाका ति खोरे नोवा नेसुर राड क्या नङ्गिगी। तमा खोकी नोवाला वोतुप दोके राड दाक्पुला गोमाला के पेन नङ्गुप तप्की दाक्पु खोकी पुज्युड च्युङ्नी वे।

12 तुक क्यानी दाक्पु गोमाला नेज्युनी ख्रीष्टला रेवा कितुपतिवा तेरीकी कोन्छ्योकला मोवा ताड सोवा देकुपला खोकी पेन नङ्गुप यिन।

13 ती ख्रीष्ट नेसुर दाक्पु साड कोन्छ्योककी सुड टेड्बु थोनी खोकी थाक्छ्येन नङ्गुप थु चाङ्माकी त ग्यप्नी वे। ती सुड टेड्बु ति खिराडला दिक्पा ने थर ज्यितुप लेन ल्यामु यिन।

14 ती कोन्छ्योककी थु चाङ्मा ति खोरे गिपातिवा तेरीला थर माच्चिवा सेक्ला तिवाला थाक्छ्येन नङ्गुप ति तेरी थोक्किवी सिनी तेन्तेन कितुपला दाक्पुला नङ्गुप यिन। तीकी थोक्ला खोला सोवा देकुप।

पावलकी मोपोर

15-16 तुक क्यानी ड मोपोर कितुप पेला नरी खिराडला टेन्नी कोन्छ्योकला थुचिछे बुलिन। च्यिलासिसिन चोवो येशूला खिरा तेपा क्यावु ताड तेरी तेपा कितुप मीतिवाला खिरा च्यम्बा क्यावु ति डे हाक्कोसुड।

17 तमा दाक्पी चोवो येशू ख्रीष्टकी मोवा वोतुप पपा कोन्छ्योककी खिराडला खोकी च्यु ताड रिक्पाकी सेम नङ्गुनी खोला डो शे थुप्शी सिनी ड नरी मोपोर कितिन।

18 ख्योरो सेम पेनी चुका रेवाकी थोक्ला कोन्छ्योककी खिराडला कताड वे, तमा खोला तेपा कितुपतिवाला खोकी नङ्गुप हलेवु मोलाम ति ग्यक्चे वे सिस्स ति खिरा हाक्को थुप्शी सिनी ड मोपोर कितिन।

19 तमा दाक्पु तेपा कितुपतिवी थोक्ला खोकी छासेकी डार ति काड यिनोक सिनी खिरा हाक्कोशी सिनी मोपोर कितिन। ती डार ति खोकी चोछ्येवु डार यिन।

20 ती डार नेसुर खोकी ख्रीष्टला टुङ्गुप ने डोसु लङ्गुनी देवाच्येनला खोकी छ्याक यावी थाकाला ज्याक नाङ्सुड।

21 तमा जम्बुलिङ तेरीला ग्येला कितुप ताड तेरी ओङ्ज्येन ताड डार ताड ग्येलखाप ताड दी कल्वाला तिराड मिन यिने त वुङ्गुप कल्वा सेक्ला वुङ्गुपतिवा तेरी सिनाड चोछ्ये जो नाङ्सुड।

22 खोकी दी तेरी ओङ्ज्येन ति येशू ख्रीष्टकी शापकी वोक्ला ज्याक्नी नाङ्सुड। तमा चर्चकी खला साड खोला राड तेरी सिनाड चोछ्येवु जो नाङ्सुड।

23 चर्च ति ख्रीष्टकी जु यिन, ती चर्चला ख्रीष्टकी तेरी छेङ्मा जो नङ्गिगी।

2

ख्रीष्ट नेसुर थोपुप मिजी सम्बा

1 तोइला ख्यिराड लाका मेलोक्पा ताड दिक्पाला ख्येलनी शिन वे।

2 ती पेला दी जम्बुलिङ ताड शैतानकी ओइज्येनला वोतुप मीतिवी दोके ख्यिरा साड लाका मेलोक्पा क्यासुड। ती शैतानकी राड तन्दा साड कोन्छ्योककी सुड मेइयेन्दुप तिनी खला ओइज्येन किनी।

3 ती दोके तोइला दाक्पी साड सेमला शस्प तेरी लाका मेलोक्पातिवा क्यानी मिजी क्योङ्गुप ताड रङ्गी जु ताड सेमगी नोवाला युवुजा। तुक क्यानी दाक्पु साड मी यम्बा दोके कोन्छ्योककी पर्च्या फोकुप गिपा च्युङ्गुप यिन।

4 यिने कोन्छ्योक च्यङ्च्यु सेम्बा वोतुप तप्की खोकी दाक्पु तेरीला छासे ड्यिङ्ज्ये क्या नाइसुड।

5 दाक्पु दिक्पाला शोनी शिसिनाड खोकी कटिन नेमा राड दाक्पुला दिक्पा ने थर च्यिसुड।

6 तमा खोकी मुला राड दाक्पुला सेन्बु लङ्नी देवाच्येनला येशू ख्रीष्टकी मुला ज्याक्नी नाइसुड।

7 तुक क्यावु ति च्यम्बा वोतुप कोन्छ्योककी येशू ख्रीष्ट नेसुर दाक्पुला ग्यक्चेकी कटिन नङ्गुप ति त वुङ्गुप कल्वाला छ्या देन्दुपला यिन।

8 च्यिलासिसिन दाक्पी खोला तेपा क्यानी खोकी कटिनकी राड दाक्पु दिक्पा ने थस्प यिन। दी ति दाक्पी डारकी इयेतुप मिन, यिने कोन्छ्योक नेमा थोपुप इयेम्बा यिन।

9 दाक्पी लाका ल्यामु क्यानी इयेतुप मिन, मिसियाड मीतिवी ड राड यिन सिनी सिनी।

10 दाक्पु ति कोन्छ्योककी थोक्ला लाका ल्यामु कितुपला ख्रीष्ट नेसुर खोकी छ्याककी ज्येवु यिन। दाक्पु खोकी नोवाला वोतुप दोके युक्शी सिनी खोकी दाक्पुला तोइला के ज्येवु यिन।

ख्रीष्टला च्यिक्पा राड च्युङ्गुप

11 तुक क्यानी नासाम तोड, तोइला ख्यिराड मिरिक यम्बाकी मीतिवा यिन्दुप तप्की कोन्छ्योकला डो माशेनोक। ती पेला यहदी च्येतुप लुक्सु

क्यावुतिवी ख्यिराडला इयिङ्मर क्यानी च्येतुप लक्सु माक्यावुतिवा यिन सिनोक।

12 ती पेला येशू ख्रीष्टला ख्यिरा डो माशेवु तप्की इस्राएलकी गिपा माच्युड। तमा ख्यिराड ति कोन्छ्योककी थाक्छ्येतुप ठिम नेसुर थाक्किड्बु गल्नी दी जम्बुलिडला रेवा मेतुप ताड कोन्छ्योक डो माशेनी दे नोक।

13 तोड्ला ख्यिराड मिरिक यम्बा यिन्दुप तप्की कोन्छ्योक नेमा थाक्किड्बु गाल्नोक, यिने त याड येशू ख्रीष्टकी ठक नेसुर ख्यिराड कोन्छ्योक ताड मुला थाक्किड्यमु गल वे।

14 दाक्पुला सेम च्यिक्पा राड जो नङ्गुप ति येशू ख्रीष्ट यिन। खोकी राड यहदी ताड यहदी मिन्दुप मिरिक यम्बाकी मीतिवा इयिकरला च्यिक राड जो नाड्सुड। तमा खो टुङ्नी खोरो जु नेसुर दाक्पी पर्ला डला जोप तम्जी मेलोक्पातिवा तेरी ना ताड्सुड।

15 तमा यहदीतिवी छ्यो नाड्ला वोतुप तेरी लक्सुतिवा ना तङ्नी खो नेसुर यहदी ताड यहदी मिन्दुप मिरिक यम्बा इयिकरला लोदिमु वोतुप मी सम्बा जो नाड्सुड।

16 तमा येशू ख्रीष्ट ग्यडिशडला टुङ्नी दाक्पु इयिकरला डला गलुप ति च्यिक राड जोनी कोन्छ्योक ताड मुला थिन च्यिसुड। तमा यहदी ताड मिरिक यम्बाकी मीतिवी पर्ला इयिङ्मर कितुप तामडेतिवा ना ताड नाड्सुड।

17 तमा खो फेप्नी ख्युरुड थाक्किड्बु वोतुपतिवाला ताड थाक्किड्यमु वोतुपतिवाला साड लोदिमु तेरुप सुड ख्याप्ताक क्या नाड्सुड।

18 येशू नेसुर राड दाक्पु इयिकरला कोन्छ्योककी थु चाड्मा इयेनी ती थु चाड्मा नेमा राड दाक्पु इयिकर पपा कोन्छ्योककी चाला लेप थुक्किवी।

19 तुक क्यानी त याड ख्यिराड छियग्यपकी मी ताड मिमेलुड्दुड दोके साड मिन, यिने चाड्मा वोतुप तेपा कितुप मीतिवा ताड मुला लुड्बा च्यिककी ज्यिक्तेम्बा ताड कोन्छ्योककी मिछाडतिवा यिनो।

20 ती मिछाडतिवा ति लोमा छ्येतिवा ताड कोन्छ्योककी लुड्तेम्बातिवी जोवु डम्ज्यी रम्बु दोके यिन। तमा येशू ख्रीष्ट ति ती डम्ज्यीकी खक्छ्येवु सुरकी दो दोके यिन।

21 येशू ख्रीष्ट ताड मुला च्यिक्पा राड जोनी कोन्छ्योककी मिछाडतिवा तेरी थिन्नी खोकी थोक्ला कोन्छ्योककी ल्हडाड ति मड मड पोरिन डिवी।

22 येशू ख्रीष्ट नेसुर ख्यिराड साड थु चाड्माकी ओडला कोन्छ्योक ज्युवु

दासा च्युङ्गुपला तेरी मुला थिन्नी चिय्क्पा राङ जोयी डिबी।

3

मिरिक यम्बाकी कोर्ला पावलकी ख्याप्ताक क्यावु

1 ती तप्की ड पावल ख्यिराङ यह्दी मिन्दुप मिरिक यम्बातिवी थोक्ला चोन्खाङला शोनी वे।

2 ख्यिराङ यह्दी मिन्दुप मिरिक यम्बातिवाला लेन ल्यामु ख्याप्ताक कितुपला कोन्छ्योककी डला चेक तेतुप कटिनकी कोर्ला वुतुङ के ख्यिरा थोनी वे सिस्स ति डला नोवा वे।

3 खोकी नोवा ति छ्याकला नोक। ती ति खोकी डला ज्यल्का नेसुर हाक्को च्यिसुङ। तीकी कोर्ला तोङ्ला साङ डे ख्यिराङला चेयी टिनी वे।

4 ती डे टिवु ताम्डे ति ख्यिरा रासिन ख्रीष्टकी छ्याकला वोतुप ताम्डेकी कोर्ला डे चो हाक्कोनोक सिस्स ति ख्यिरा साङ हाक्कोकितो।

5 तोङगी गिपाकी मीतिवाला हाक्को माच्यिवु ताम्डे ति खोकी लोमा छ्येतिवा ताङ कोन्छ्योककी लुङ्तेम्बातिवाला खोरे थु चाङ्मा नेसुर तसाम ठछ्येली छ्या तेन वे।

6 ती छ्याकला वोतुप ताम्डेकी तेन्दोक ति लेन ल्यामु नेसुर राङ यह्दी मिन्दुप मिरिक यम्बातिवाला साङ यह्दीतिवाला थोपुप कोन्छ्योककी मोलाम ति मुला राङ थोप्नी वे। तमा दाक्पु तेरी येशू ख्रीष्ट ताङ मुला जु चिय्क्पा राङ च्युङ्गुनी खोकी खोरे मीतिवाला थाक्छ्येन नङ्गुप साङ मुला राङ थोप्नी वे।

7 कोन्छ्योककी ओङ छ्येवु लाका नेसुर दी लेन ल्यामु ख्याप्ताक कितुपला डला खोकी लावा जो नङ्गुप यिन। तुक क्यावु ति खोकी कटिनकी ड्येम्बा यिन।

8 खोला तेपा कितुप मीतिवा तेरीकी पर्ला ड ति तेरी सिनाङ छ्युङा यिन्सिनाङ ख्रीष्टकी मोलाम नङ्गुप ग्यक्चेकी लेन ल्यामु ति यह्दी मिन्दुप मिरिक यम्बातिवाला ख्याप्ताक कितुपला डला दी कटिन ति नङ्गुप यिन।

9 तमा तेरी च्यालकतिवा ज्ये नङ्गुप कोन्छ्योककी ताङ्बो ताङ्बो नेज्युनी छ्याकला वोतुप नोवाकी तेन्दोक ति काङ यिन सिनी तेरी मीतिवाला ख्याप्ताक कितुप कटिन ति डला नङ्गुप यिन।

10 ती ति चर्च नेसुर खोकी नम्बा कुतुक कुतुककी रिक्पा ति देवाच्येनकी गेला कितुप ताड ओइज्येन वोतुपतिवी पर्ला तसाम छ्या देन्दुपला खोकी दुक क्या नङ्गुप यिन।

11 खोकी तुक क्या नङ्गुप ति दाक्पी चोवो येशू ख्रीष्ट नेसुर थल्मा नेज्युनी खोरे नोवाला वोतुप दोके क्या नङ्गुप यिन।

12 दाक्पी खोला तेपा क्यावु तप्की दाक्पु तेन्तेन ताड डाडेड क्यानी खोकी चिप्ला डोप ड्येकिवी।

13 तुक क्यानी ड खियराडला गोड्बा शोयी, खियरा थोक्ला डे छेटाड खुर्सुड सिनी खियराड यिछ्येता माकी। दी ति खियरा थोक्ला छासे ताड्देन वोतुप ताम्डे यिन।

एफिससला वोतुप चर्चकी थोक्ला मोपोर

14-15 ती तप्की जम्बुलिड ताड देवाच्येनला वोतुप तेरी मिछाडतिवी मिड जो नङ्गुप पपा कोन्छ्योककी चिप्ला पुमुड चुनी मोपोर कितिन।

16 खो ताड मुला ग्यक्चेकी मोलाम वोतुप तप्की खोकी थु चाड्माकी डारकी खियरा सेमगी दिड्ला रम्बु जो नङ्गुपी।

17 तमा खियरा क्यावु तेपा नेसुर ख्रीष्ट खियरा सेमला ज्युशी। खियरा च्यिककी च्यिकला कितुप ड्येड्ज्ये ति दोड्बी मर क्यङ्गुप दोके रम्बु च्युड्शी।

18 खियराड तेपा कितुपतिवा तेरी खोकी मिछाड च्यिक राड च्युड्नी ख्रीष्टकी ड्येड्ज्ये ति चो थेन्बु वोतुप ताड चो मोमु ताड चो रिड्बु वोतुप ति हाक्को थुप्शी।

19 तमा ख्रीष्टकी ड्येड्ज्ये ति चुका रिक्पा सिनाड चोछ्ये वे सिनी खियरा हाक्को थुप्शी। तमा काड साड ड्युड्मु मेतुप कोन्छ्योककी तेरी छाछिडीकी खियरा मिजीला छाछिडी छेड्शी।

20 कोन्छ्योककी दाक्पी नाड्ला लाका कितुप खोरे ओइज्येन नेमा राड दाक्पी लङ्गुप ताड नासाम तङ्गुप सिनाड ल्हक्पा दाक्पुला नङ्गिगी।

21 ती कोन्छ्योकला राड थल्मा नेज्युनी तिड्मा सेक चर्च ताड येशू ख्रीष्ट नेसुर नरीकी नरी मोवा वुड्शी। आमिन।

4

ख्रीष्ट ताड मुला च्यिक राड जोवु

1 तुक क्यानी ख्रीष्टकी थोक्ला चोन्खाडला शोस्म ड खिराडला ठाकुरे सिनी गोड्बा शोयी। कोन्छ्योककी खिराडला काङ्गी थोक्ला कताड वे, ती दोके राड मिजी क्योड।

2 नरी सेम बोल्मु ताड च्यङ्च्यु सेम्बा च्युङ्नी हम क्यानी च्यिककी च्यिकला इयिङ्ज्ये की।

3 खोकी थु चाङ्माकी खिराड तेरीला सेम च्यिक राड जोवु तप्की खिराड सेम थिन्नी लोदिमु क्यानी दे थुपा की।

4 खोकी खिराडला कताड नङ्गुप पेला रेवा च्यिककी थोक्ला कताड नङ्गुप दोके जु साड च्यिक राड यिन, खोकी थु चाङ्मा साड च्यिक राड यिन।

5 चोवो कोन्छ्योक ताड तेपा ताड बप्तिस्मा च्यिक राड यिन।

6 दाक्पु तेरीकी पपा कोन्छ्योक ति च्यिक राड यिन। खोकी दाक्पु तेरीकी खला ओङ्ज्येन क्या नङ्गिगी, तमा खो दाक्पु तेरीकी मुला ज्युनी दाक्पी मिजी नेमा लाका क्या नङ्गिगी।

7 यिने येशू ख्रीष्टकी नोवाला वोतुप इयेम्बा दोके खोकी दाक्पु तेरीला कटिन नम्बा कुतुक कुतुक नङ्गी वे।

8 ती तप्की कोन्छ्योककी सुडला तीकी थोक्ला दुक सिनी टि वे,
“खो येर केला तेड फेपुप पेला चोन्खाडला शोस्म मीतिवाला खोकी मुला राड टिनी फेप्सुड,
तमा खोरे मीतिवाला इयेम्बा नाङ्सुड।”*

9 दी खो येर केला तेड फेपुप तेन्दोक ति काड यिन सिसिन, खो ति गोमाला दी जम्बुलिडला पाप्नी फेप्सुड सिक्कावु यिन।

10 खो मर फेप्सिमा तेरी च्यालकतिवी खला ग्येला कितुपला येलुड खो देवाच्येन सिनाड मड केला तेड फेप्सुड।

11 तमा खोकी मी ललाइला ति लोमा छ्ये, ललाइला ति खोरे लुङ्तेम्बा, ललाइला ति ख्याप्ताक कितुप मी, ललाइला ति चर्चला गोमा कितुप गेकेन, ललाइला ति खोकी सुड लोपुप गेकेन जो नाङ्सुड।

12 खोकी तुक क्या नङ्गुप ति तिवा तेरीकी खोकी लाका ल्यामो कितुप जोनी ख्रीष्टकी जु यिन्दुप चर्च ति येर फशीं सिनी यिन।

* 4:8 ४:८ भजन ६८:१८

13 तमा दाक्पु तेरी कोन्छ्योककी सेबुला तेपा कितुप ताड खोला डो शेबुला च्यिक राड च्युङ्नी ख्रीष्टला छाछिडी वोतुप दोके दाक्पु साड खोकी छाछिडीला लेपुप सेक मड मड फरिन डिवी।

14 तुक क्यानी दाक्पु मीतिवी जिनोक ताड दुक्टा ताड नम्बा कुतुककी येन्देन मेटेङ्बुला फार छुर युक्पु आडातिवा दोके मोडोशी।

15 बोरु खिराड ति च्यिककी च्यिकला इयिङ्ज्ये क्यानी ताम्डे टेङ्बु लाप्नी तेरी ताम्डेला ख्रीष्ट दोके छाछिडी च्युङ्नी फरिन डो गोकिवी। खो ति गो यिन।

16 ती गो नेसुर दाक्पी जुकी तेरी थिन्जामतिवा थिनी जु च्यिक च्युङ्गिगी। तमा जुला वोतुप तेरी येन्लकतिवी दाक दाक्पी लाका ल्यामु क्यासिमा जु ति मड रम्बु डिवी। तमा च्यिककी च्यिकला इयिङ्ज्ये कियी ती जु ति खोरुड राड फरिन डिवी।

मिजी सम्बा थोपुप

17 ती तप्की ड दी ताम्डे ति चोवो येशकी मिडला ठाकुरे सिरिन। यहदी मिन्दुप मिरिक यम्बाकी मीतिवी तेर्मेकी नासामतिवा तङ्नी मिजी क्यङ्गुप दोके खिराड ति तफेन्ला तुका मिजी माक्योड।

18 तिवी सेम क्योङ्बु गल्नी नक्तोमी गलुप तप्की तिवी कोन्छ्योककी टेङ्बु हाक्माकोनी खोकी नङ्गुप मिजी ति तिवी माङ्ग्ये वे।

19 तिवा डोछा मेतुप ताड शम्डेन कितुप ताड देर्पाला ख्येलनी सेम नोजु कितुप गल वे।

20 यिने खिरा याड ख्रीष्टकी कोर्ला तुकै मालाप वे।

21 खिरा याड येशू ख्रीष्टला वोतुप टेङ्बुकी कोर्ला लाप्नी हाक्कोनी वे सिस्स ति डला छ्या वे।

22 तुक क्यानी खिरा मिजी इयिङ्बा नेसुर वुङ्गुप किताड नालु ति मज्या इयिङ्बा पिनी क्युरुप दोके क्यानी क्युर। ती मिजी इयिङ्बा ति जिनोक जोप नासाम दुक्टा नेसुर वावु तप्की ना डिवी।

23 तमा खिरा सेम ति कोन्छ्योककी थु चाङ्मा नेसुर टेङ्बु जोनी

24 मज्या सम्बा कोन्दुप दोके खिरा मिजी साड सम्बा फोकिवी। ती मिजी सम्बा ति कोन्छ्योक दोके टेङ्बु ताड मोवा वोतुप च्युङ्गुप यिन।

25 तुक क्यानी ख्यिराड जिनोक जोप क्युनी रङगी मीतिवी मुला ताम्डे टेड्बु लोप। च्यिलासिसिन दाक्पु तेरी जु च्यिककी येन्लकतिवा यिन।

26 ख्यिराड इयिर्मु लासिनाड दिक्पा ति माकी, इयिमा गावु सिनाड गोमाला के ती इयिर्मु ति तोशी।

27 डेला ख्यिरा नाड्ला लाका कि माज्यी।

28 कुन कितुपतिवी साड तफेन्ला कुन मिकिशी। तीकी लाका टेमु क्यानी सशी, तमा कतुकारला ख्येलुपतिवाला तेर थुप्शी।

29 ख्यिरा ख नेमा चोताम मालाप, यिने मीला यर्के लोड्गुप ताड लप गोवु ताम्डे ल्यामु तिराड लोप। तमा इयेन्दुपतिवाला साड कटिन थोप्शी।

30 तमा कोन्छ्योककी थु चाड्माला सेम्दुक मालोड, ती थु चाड्माकी राड ख्यिराडला दिक्पा ने थर ज्यितुप तुजे मालेपा सेक्ला ख्यिराड खोकी ति यिन सिनी त ग्यप्नी वे।

31 तेरी सेम मेलोकपा वोतुप ताड शेताड कितुप ताड इयिर्मु कितुप ताड हराड हुरुड कितुप ताड मारे तोड्गुप तेरी परकी दुक्टातिवा मुला राड क्युर।

32 बोरु चुक क्यानी येशू ख्रीष्टकी क्या नड्गुप लाका नेसुर कोन्छ्योककी ख्यिरा दिक्पा माफ नड वे, तुक राड क्यानी ख्यिरा साड च्यिककी च्यिकला सेम बोल्लु ताड च्यम्बा क्यानी माफ बिन।

5

ठछ्येलीला युक्पु

1 तुक क्यानी ख्यिराड ति कोन्छ्योककी इयिङ्ज्येवु आडातिवा यिन्दुप तप्की खोकी लुमु से गोकिवी।

2 येशू ख्रीष्टकी दाक्पुला इयिङ्ज्ये क्या नड्नी कोन्छ्योकला गा लड्गुप बुल्वा ताड जिन्बा च्युड्नी दाक्पी दिक्पी थोक्ला दुड्सुड। तुक राड क्यानी ख्यिराड साड च्यिककी च्यिकला इयिङ्ज्ये की।

3 यिने ख्यिरा पर्ला शम्डेन कितुप ताड तेरी परकी लाका मेटेड्बु कितुप ताड देर्पा कितुप लाकातिवा क्युर। च्यिलासिसिन तुका लाकातिवा कोन्छ्योकला तेपा कितुप मीतिवी कितुप पोमु मेडिगवी।

4 ताम्डे चोताम लपुप ताड अम्बारडिशड कितुप ताड ख्येप्साड मेवु ताम्डे ति क्युर, बोरु कोन्छ्योकला थुचिछे पुल।

5 दी ताम्डे ति खिरा तेन्तेन क्यानी हाक्कोवा की। शम्डेन कितुप ताङ मेटेड्बु कितुप ताङ देर्पा कितुप ति कुला छयो तङ्गुप च्यिन्दै यिन। तुका मीतिवा ख्रीष्ट ताङ कोन्छ्योककी ग्येल्खापला शुक् मोछयोवी।

6 सी साङ खिराङला ताम्डे मेशोलोक लाप्नी जिनोक मोजोशी, च्यिलासिसिन ती ताम्डेकी जोसालेन्सिन कोन्छ्योककी सुङ मेङ्गेन्दुपतिवी खला खोकी पच्यी फोकिवी।

7 तुक् क्यानी खिराङ तुका मीतिवी दला माशुक।

8 च्यिलासिसिन तोङ्ला कोन्छ्योकला डो माशेबु पेला खिराङ नक्तोमीला युबु यिन, त याङ खिराङला खोकी ठछ्येली जो नाङ्सुङ। तुक् क्यानी खिराङ ठछ्येलीला युसा।

9 ती खिरा ठछ्येलीकी लाकातिवा ति ल्यामु वोतुप ताङ टेड्बु ताङ काङ साङ जिनोक मेतुप यिन।

10 तमा कोन्छ्योककी सेमला डोप लाका ति काङ यिनोक ती ति लोपुप छोल।

11 नक्तोमी वुङगी तेर्मे वोतुप लाकातिवाला माशुक, बोर् तुका लाका ति मेलोकपा यिन सिनी छ्या तेन।

12 च्यिलासिसिन तुका मीतिवी छ्याकला क्याबु लाका मेलोकपातिवी कोर्ला ताम्डे कितुप साङ डोछा यिन।

13 ठछ्येलीकी छ्या देन्दुप पेला बानी ज्यकुप ताम्डेतिवा तेरी ठछ्येली थोङ्गिगी।

14 च्यिलासिसिन तेरी ताम्डेतिवा थोङ ज्यितुप ति ठछ्येली यिन। ती तप्की मीतिवी दुक् सिनी सिवी,

“ओ इयिलोकुपतिवा लो!

तमा खिराङ शेपतिवा शेप नेमा येर खोक लो!

ख्रीष्टकी खिराङला वोसिर नङ्गिगी।”

15 तुक् क्यानी खिरा किताङ नालु ति चुकै वे, ल्यामो क्यानी नासाम तोङ! रिक्पा मेतुप मी दोके मिन, यिने रिक्पा वोतुप मी दोके क्यानी युसा।

16 त याङ तुजे ल्यामु मेतुप तप्की खिराङला वोतुप च्युतिवाला तुक् राङ डो माज्यी।

17 तुक् क्यानी अम्बारङिशङ माकी, यिने कोन्छ्योककी नोवा काङ यिनोक सिनी हाक्कोवा की।

18 छ्याड आराक थुनी जिनी रङ्गी जुला ना मातोड, यिने खोकी थु चाड्माकी क्येङ्नी देता।

19 च्यिककी च्यिकला कोन्छ्योककी थु चाड्मा नेसुर वुङ्गुप खोला सोवा देकुप तेरी परकी लुतिवा लोसा। तमा दाक दाक्पी सेमगी दिङ नेज्युनी दातिवा तेन्नी चोवो येशूला सोवा तेक।

20 नरी तेरी ताम्डेकी थोक्ला दाक्पी चोवो येशू ख्रीष्टकी मिडला पपा कोन्छ्योकला थुचिछे पुल।

21 येशू ख्रीष्टला ताङ्देन क्यानी च्यिक ताङ च्यिककी ओडला देता।

ख्योवा ताङ पेमींकी कोर्ला

22 पेमींतिवा, कोन्छ्योककी कला युक्कुप दोके दाक दाक्पी ख्योवी ओडला देता।

23 च्यिलासिसिन ख्रीष्ट ति चर्चकी गो यिन्दुप दोके पेमींकी गो ति ख्योवा यिन। तमा चर्च ति ख्रीष्टकी जु यिन, खो ति चर्चला थर ज्यितुप यिन।

24 ख्रीष्टकी कला चर्चकी ड्येन्दुप दोके पेमींतिवी साङ ख्योवी काङ सिक्पावु ति तेरी ड्येन गोकिवी।

25 ख्योवातिवा, ख्रीष्टकी चर्चला ड्यिङ्ज्ये क्यानी खोरो मिजी साङ चर्चकी थोक्ला जिन्वा च्युङ्गुप दोके दाक दाक्पी पेमींतिवाला ड्यिङ्ज्ये की।

26 खोकी तुक क्या नङ्गुप ति चर्चला खोकी सुङ नेसुर चाड्मा ताङ टेङ्बु जो नाङ्शी,

27 तमा टेमा माछ्यावु ताङ ड्येर्मा माच्यम्बुप ताङ काङ साङ मडी मेतुप डछ्येर्मु चर्च जोनी खोस्डला राङ छ्या देन्शी, तमा ती चर्च ति चाड्मा ताङ क्येन मेतुप वुङ्शी सिनी यिन।

28 तुक राङ क्यानी ख्योवातिवी साङ दाक दाक्पी पेमींला खोस्डला दोके ड्यिङ्ज्ये कि गोकिवी। खोरो पेमींला ड्यिङ्ज्ये कितुप तीकी खोस्डला साङ ड्यिङ्ज्ये किवी।

29 च्यिलासिसिन चुका मी तीकी साङ खोरो जुला ड्यिङ्मर मिक्किवी, यिने तीला समा तेरुप ताङ ल्हाटे किवी। ती दोके ख्रीष्टकी साङ चर्चला तुक राङ क्या नङ्गिगी।

30 च्यिलासिसिन दाक्पु ति खोकी जुकी येन्लक यिन।

31 कोन्छ्योककी सुडला दुक सिनी टि वे, “तुक क्यानी मी तीकी खोरो पपा आमाला क्युर ज्याक्नी पेमीं ताड मुला थिन्नी देकिवी। तमा तिवा डियवुकी जु ति च्यिक राडु डिवी।”*

32 दी ति छासे छयाकला वोतुप ताम्डे यिन। ड ति दी ताम्डे खीष्ट ताड चर्चकी तम्जीकी कोर्ला लपिन।

33 काड यिन्सिनाड छिराड तेरीकी दाक दाक्पी पेमींला रडला दोके डियङ्ज्ये किशी, पेमींतिवी साड रडगी ख्योवाला ताङ्देन किशी।

6

पपाआमा ताड पुज्युडपुमतिवाला टोङ्गु

1 पुज्युडपुमतिवा, कोन्छ्योककी क नङ्गुप दोके दाक दाक्पी पपाआमी खला ड्येन, च्यिलासिसिन दी ति ताम्डे टेङ्बु यिन।

2 रडगी पपाआमाला ताङ्देन की*, दी ति तोङ्गला के कोन्छ्योककी मोशाला थाक्छ्येन नङ्गुप क तङ्बु यिन।

3 तुक क्यासिन छिराड दी जम्बुलिडला कोन्छ्योककी मोलाम थोप्नी छे रिङ्बु च्युङ्गिगी।

4 पपातिवा, खोरो पुज्युडपुमतिवाला डियर्मु मालोड, यिने तिवाला चोवो येशूकी येन्देन ताड तालिम बिन्नी रूहोल।

योक्पु ताड ज्यिन्दाकतिवाला टोङ्गु

5 छिराड योक्पुतिवा, खीष्टला ताङ्देन क्यावु दोके दी जम्बुलिडकी छिरा ज्यिन्दाकतिवी सिक्यावु ताम्डे ति ज्यिवा क्यानी रूहकिन सिरा सेमगी दिड नेज्युनी की।

6 मीतिवाला गा लोङ्गुपला तिवी मिङ्गाला तिराड छ्या देन्दुप लाका माकी, यिने खीष्टला शब्ज्यी पुलुप दोके सेम टेङ्बु क्यानी कोन्छ्योककी नोवाला वोतुप लाका की।

7 मीतिवी थोक्ला मिन, यिने चोवो येशूला शब्ज्यी पुलुप दोके सेम गा क्यानी किआ।

8 दी ताम्डे ति हाक्कोवा की। योक्पु यिन्शी मिन्शी सी लाका ल्यामु किवे, तीला चोवो येशूकी छयक्त्तक नङ्गितो।

* 5:31 ५:३१ उत्पत्ति २:२४

* 6:2 ६:२ प्रस्थान २०:१२

9 ज्यिन्दाकतिवा, रङ्गी योक्पुतिवाला किताड ल्यामु की, तिवाला वोरु मादेन। दी ति हाक्कोवा की, खिराड इयिकरकी ज्यिन्दाक ति देवाच्येनला ज्यु वे। खोकी सुला साड ख्ये मेबेवी।

कोन्छ्योककी नङ्गुप मक्मीकी लाक्च्येतिवा

10 तेरी सिनाड तिङ्गला ड सिरिन, खिराड चोवो येशूकी ओडला डार छयेवु वुड गोकिवी।

11 शैतानकी च्युतिवी तेन्दोकला लानी दे थुपुपला कोन्छ्योककी नङ्गुप तेरी मक्मीकी लाक्च्येतिवा लोसा।

12 च्यिलासिसिन दाक्पी ग्यकुप मक ति मी ताड मुला मिन, यिने ओङ्ज्येन कितुपतिवा ताड डार वोतुपतिवा ताड दी जम्बुलिङकी दुक्टाकी डार ताड देवाच्येनला वोतुप डेतिवी मुला यिन।

13 तुक क्यानी ती तेरी मक्मीकी लाक्च्येतिवा लङ्नी ती तुजे मेलोकपाकी खला ग्येल थुपा की। तमा ती मक ग्यकुप लाका तेरी सिन्सिमा रम्बु क्यानी दे थुपा की।

14 ती तप्की खिराड केल्दाडला जिनोक मेतुप करा च्यी*। तमा छेकोकला टेङ्बुकी क्योस्स च्यालक कोन।

15 तमा लोदिमु नङ्गुप कोन्छ्योककी लेन ल्यामु ख्याप्टाक कि डोपला काङ्बाला काचा कोन*।

16 लकला तेपा रम्बुकी खोरुड र्होकुपला क्योस्स च्यालक खुर, तुक क्यासिन खिरा तेन्दोकला लावु डेकी तेरी मेलापतिवा से थुक्किवी।

17 गोला दिक्पा ने थस्स शमुड कोन*। तमा कोन्छ्योककी थु चाङ्माकी खुर्पा खुर, ती ति कोन्छ्योककी सुड यिन।

18 नरी खोकी थु चाङ्माकी क्येङ्नी तेरीकी थोक्ला मोपोर ताड गोङ्बा पुल। तोजो तिराड मिन, टेमु ताड च्याङ्से क्यानी कोन्छ्योकला तेपा कितुपतिवा तेरीकी थोक्ला नरी मोपोर किसा।

19 ड खोकी सुड ख्याप्टाक कितुप पेला ज्यिवा माक्यावा क्यानी छयाकला वोतुप कोन्छ्योककी सुङगी तेन्दोक ति ख्याप्टाक कि थुप्शी सिनी मोपोर क्या नाड।

* 6:14 ६:१४ यशैया ११:५; ५९:१७

* 6:15 ६:१५ यशैया ५२:७

* 6:17 ६:१७ यशैया ५९:१७

20 तीकी थोक्ता राड ड च्याटोक ग्यप्नी चोन्खाडला वे, यिन्सिनाड ड ख्रीष्टकी लेन ल्यामु ख्याप्ताक क्यावु मी यिन। डे चुक क्यानी लप गोकिवी ती ति डाडेड क्यानी लप थुप्शी सिनी मोपोर किंसा।

पावलकी तिड्मी मोलाम

21 ड चुकै वे, काड कियी वे, ती ति खिरा साड हाक्कोशी सिनी कोन्छ्योकला ल्यामो क्यानी शब्ज्यी बुलुप डे डियड्ज्येवु नुप तुखिकसकी तेरी ताम्डे ति खिराडला शेकितो।

22 दे डियराडला चुकै वे खिरा साड हाक्कोशी, तमा खिरा सेमला टोड्गु तेस्पला तीला डे खिरा चाला तड्गुप यिनो।

23 पपा कोन्छ्योक ताड चोवो येशू ख्रीष्ट नेमा खोला तेपा कितुपतिवा तेरीला तेपा नेसुर वुड्गुप डियड्ज्ये ताड लोदिमु वुड्शी।

24 तमा दाक्पी चोवो येशू ख्रीष्टला नरी डियड्ज्ये कितुपतिवा तेरीकी मुला कटिन ति थोप्शी।

कोन्छ्योककी सुङ

The New Testament in the Sherpa language of Nepal:

कोन्छ्योककी सुङ

copyright © 2014 Wycliffe Bible Translators, Inc.

Language: Sherpa

Contributor: Wycliffe Bible Translators, Inc.

All rights reserved.

2025-07-10

PDF generated using Haiola and XeLaTeX on 19 Dec 2025 from source files
dated 10 Jul 2025

b834b297-b0c6-512e-bce6-f4d9b41b94be